

اوله رق شمديكي سايمانیه شهرينك شمر قيسنده آيروجه حكومت شكندنه ياشايان
آلورلر برلشوب بيوك بر سلطنت تشكيك ايلشلر و كيت كيده آنورديلرله
بابيلرلك پاتختلريني دخي ضبط ايدو رك آسياده بيكلرجه سنه لر استقلاليتلريني محافظه
ايتشلر و بالاخره بو حكومتلر انقسامه اوغرا مشر ايسه ده اداره حكومت ينه
اكثريا يري قومدن معدود اولان پهلوي ويا عيني جنسدن اولان فرس و كرد
اكابر و اشراق يندنه قلمش و كردستانك دوچار اولديني بيكلرجه انقلابات
و تعدياته صبر و متانتلريله برابر كردلر اسان و قوميتلريني محافظه ايدو بيلمشلر در .

كرد و كردستان نه ديه كدر

كرد كلمه سي اساساً كاف عربي ايله تلفظي صحيح دكل ايسه ده لسان عربي ده
كاف فارسي بولماديغندن ظهور اسلامدن سوكره كاف عربي ايله قولالانلش
و بناء عليه غلط مشهور اوله رق قبول ايديله ككشدر . شمديكي كرد قومي
مار مكر مانك اتقاضندن اوله رق و قتيله مازندرانيلر و افغانيلرله ايران قديمي تشكيك
ايدن پهلوي عنهم اصلينك احقاديدر . توار يخ قديمه فرسيه ده و روايات
متسلسله مليه ده اليوم كردلر مسكون اولدقلى محللر اهالي سي قديمه عموميله
پهلوي نامى تحتند طائيلشلر و بالاخره بو قومك بر قسم اعظمك و آتيده كي
بعض ايضاحاته نظر آ عارضه لى و طاعاق يرلرده مسكون اولان قبائل و شعباتك
اك زياده توراني قديملر ايله وقوعه ككش اولان محاربه لرند ابراز شجاعت
و استحصال موفقيت ايدن بر رئيس قومه ويريان و پهلو - قبورغه - ككسندن
مأخوذ پهلوان معناسه قريب اولوب حقيقت حاله اصل پهلوي كلمه سيله معنا
مترادف بولنان (كرد) يعنى قهرمان نامنه اضافله شهرت ياب اولمشلر در .
مرحوم سعدى شيرازينك كالستان نام اثرنده كي - دانى كه چه كفت زال بارستم
كرد - مصرعنده پهلوي سر امدانندن اولديغه شبه اولميان رستمدين بحث

ایدرکن کردی کاف فارسی ایله سویلشدر .

میلاد عیسی دن تقریباً درتیز کسور سنه اقدم یونان و ژرخلرندن مشهور
کسه نوفونک اردوسیه بابلدن نینوا دیاربکر خرپوط جهتلرندن شماله طوغری
رجعت ایدرکن شمالی کردستانه مستقل بر قومدن بحث ایدرک اورالزده کی
قومی کاف فارسی ایله کردی کله سنه تماماً شبد Gordi نامیه ذکر ایلش که قوم
مذکورک شمذیکی کردستان اهالیسنک سکینه قدیمه سندن اولان کردلردن
و کردستانخی بو قومک اوتهدنبرو مسکون اوله کلدیکی قطعدن عبارت اولدینی
آ کلاشیلیر .

کرد و ارمنیلرک وطن مشترک لری و بونلرک بعدما حصول سعادت لری
معروضاتی او قومغه رغبت سیوره حق ذوات کرام امنیت بیورسونلرکه
بن هر ندقدر کرد عنصرینه مذسوب ایسه مدینه کانه فی بشری اساساً فارداش
بیلرک انسانیتله مفتخر اولدیغمدن کندی قومخی مدافعه ایتکی سودیکم کی
اقوام سائرک دخی حقوقی محافظه ایلکی وجیهه دن عد ایلرم یازده جنم شیلر
کورمش اولدیغم خصوصانه و بیلدیکم بعض دلائل ومعانی به مستداوله رق صحته
شبهه اولنه ماز شوبله که : ازمنه قدیمه دنبرو شمالی کردستانه کی بر چوق منطقه لر
کردلرله برابر یشایان ارمنیلرک ایران قديمک مدیا آلان و بهلوی حکومتلری
زماننده قوم مشراوله رق گاه مستقل و گاه بونلره مربوط ونیم مستقل بر حکومتلری
اولدیغمه شبهه یوقدر ارمنیلرک چوق قدیم زمانده هندستاندن گلش بر قوم
ایدوکی بعض مؤرخلر یا مشار ایسه ده بو باندیه صحیح و موثوق دلائله دسترس
اوله مدینمندن بو قومک اساس و مشأنه دائر اطباب مقال ایتمکدنسه بونلرکه
آسیانک اقوام قدیمه سندن و مدیا و ایران قدیمی تشکیل ایلش اولان حکومتات
مستقله ویا ایالات متحده اهالیسندن ویا کردلرله قبل الاسلام - بر عرقدن
اولدیغنی قبول ایتک ایجاب ایدر شوقدر که بو حکومت میلاد عیسی دن اقدم

بعض عصر لر قافقاس جنوبیده تأسیس ایدن ارمنستاندن عبارت کبی آ کلاشیلان طاعلق مناطقده مستقل ایشامشیر و بعض وقتلرده آثوریلرمدیالیرلر ویا ایرانیلرک ضعف و مشغولیتلرندن استفاده ایدلرک استقلالیت قومیلرینی تحکیم وانکشاف ملیانی توسیع املیللر گوردستان شالیلرک برچوق طاعلق یرلرینی بالاشغال غریبه طوغری ایلر وایه لرک اطنه و سسیس جهتلرینی حوزه تصرفلرینه کچورمش و اورانلرده اجرای استقلالیت ایلشلدلر . توارخ موجوده نظر آ ارمینلرک بوصورتله الله ایتیش اولدق لری بو مناطق چوق سورمه دن حکومات متجاوزده طرفندن ضبط واسترداد ایدلش وبومقوله دن اوله رق وان جهتلری بیله برچوق زمانلر پهلوی حکومتلری طرفندن کندی ولایات سائرملری صره سنده و بعضاً دخی ممتازه شککنده اداره ایدلشدر . وشمیدله اولدینی کبی عین یرلرده کثرتلی پهلوی و اقوام سائر مخاوط و موجود اولدینی حاله کیخسرو ودارالر کی حر پادشاهلر زماننده ارمینلر قومیتلرینی لسانلرینی کوزلجه محافظه ایدلرک و بو حسن معاشرت و امتزاج نتیجه سی اوله رق ارمینلرده پهلویلر دن خط میخی استعمالی قبول ایلشلدلر . بیانات مسرووده دن آ کلاشیلیدیغه نظر آ شمالی کوردستانک مهم بر قسمنه کرد و ارمینی وطن مشترکی دیکنده تردد جائز اوله ماز . حال حضره نظر آ نفوسجه اکثریت پهلویلرده ایسه ده کاه حقه وکاه قوته مستند سوزوبلیان اوروپا یلرک مقرراتنه اقتدار ایتدکنلرله حکومت عادلانه عثمانیه دن استحصال مساعده شرطیلر مبعوثلر منزک وایکی طرف منورلرینک انضمام رأی وقراریله متشکل بمجلس ملی مختلطک مقرراتنه تابع اولق شرطیلر وطنداشلق و قومداشلق حقوقنده مزاج وتالیق اولملری ویاخود بو ایکی قسم وطنداشک ظهور اسلامدن اول و صکره کی عنفات ملیلرینی عادلانه کوزده لرک مناطق وطنیه لرینک آکا کوره تعیین وتخصیصی ایجاب ایدر .

ایکنجی شک قبوانه ضرورت قطعی کوردلیکی تقدیرده بر طرفندن دیگر طرفه نقل مکان ویا هجرت آرزو ایدلرک محافظه حقوقی ایچون ترک ایدلرکی

املاك و اراضيسنك د گرينه مقابل و معادل اولمق اوزره طرف آخرك اشخاصنه
عائد اموال و اراضى متروكه سندن تعويض ايدلمى شرط طو تاليدر .

چنكيز زماننده كرد اسمنك محترم و محفوظ اولدني و چنكيزلرك
استيلاي مشهورى صره سنده بيله كردستانك مختاريتله اداره
ايدلمش اولدني

مشهور چنكيزلر بتون ايراني استيلا اينديكي دورلرده آكرى - آرات -
طابغدن بصره كورفزينك هر مز بوغازينه قدر شمالدن جنوبه تمتد اوله رق
شرقدن غربه و غربدن شرقه كچمكه مجبور اولاجق بر مستوليتك بتون
كذر كاھنده كي كچيدلر حاوى مناطق مهمه ده متوطن كوردني شجيع اهميتلى
كرد قومنى رنجيده ايتيمه رك سياستاً حسن اداره لرينه موفق اوله بيلمك ايچون
كردستان اقوامنه تعيين ايتمش اولدني بلكرك گرت (كرددن غلط اولميدر) اسميله
تواريخ قديمه فرسيه ده مذكور اولمى هم ادعاى و انعه مزى هم ده چنكيز كې
بر جهانگير جبارك نظر نده اهميتى تقدير ايدلمش كردستانك مدير اداره لرى
كند بيلندن اولمق اوزره مختاريتله اداره ايدلمش اولدني تأييد ايدر .

برده بهلول بلك ساسانيان طبقه سندن اولوب بين العرب (يزدگرد) اسميله معروف
اولان پادشاهلرك اصل اسملرى كردك خداوندى يعنى صاحبي معناسنه (يزدگرد)
اولمقله ادعا من وجهله بو قومك موسوم اولدني كرد نامنك چنكيزدن ده قديم
ايدو كنى و بنا برين و بعض اجنبى مؤرخلرك ادعاى كې كرد ويا كرت كله سنك
چنكيزلر زماننده غربى ايرانده بولنان اقوامه تعيين ايدلمش اولان اجنبى مأمورلردن
عبارت اولمادني بزه صراحة كوستردني كې نوشيروان و احفادى زماننده
ايران قديمك مهم بر قسمى كرد قومندن عبارت اولدني اثبات ايدر .

